

չութեան ու կազմին բուն յիշատակարաններն են հետեւեալները . «Գրեցաւ Յայսմաւուրս ի թուին Հայոց ՉԿԵ (=1316), ձեռամբ Վահանայ ի Դրազարկ վանսն, ի դուռն տաճարի Ս. Ստուա-  
ծածնի, ի թագաւորութեան մանկահասակ Լևոնի արքայի, որդ-  
ւոյ Օշին արքայի ևն» . «ևս կազմեցաւ Յայսմաւուրս լեռնա-  
կողման վանքը Ս. Յովհաննու Մկրտչի, ձեռամբ Յովհաննէս  
աբեղայի ի թիւ Հայոց ՊԴԷ» (=1448). (Ստորգր. էջ 182). վեր-  
ջին յիշատակարանին մէջ կը յիշուին նաև Լեոնակողեան վան-  
քի Կիրակոս միսյնակեացը եւ Տրայիզոնցի մայր մը : (ՄՁ. Թ. 1822):

ԼԵՒՈՆ Զ. ՎԵՐՁԻՆ ԹԱԳԱԻՈՐ ՀԱՅՈՑ .— 1375ին Սոոյ գը-  
րաւուձէն յետոյ, Լևոն Զ. ընտանեօք գերի կը տարուի Եգիպ-  
տոս . գերութենէ յետոյ, ըստ աւանդութեան, Լևոն թագաւոր,  
թագուհին Մարիուն եւ զուտըրը Փիննա Երուսաղէմ գալով  
կը բնակին Ս. Յակոբի վանքը . քիչ ժամանակ վերջ, թագաւո-  
րը կը մեկնի Եւրոպա, իսկ թագուհին եւ աղջիկը բարեպաշտա-  
կան կեանք մը կ'ապրին, եւ յետ մահու կը թաղուին Ս. Գըլ-  
խազրի մատրան առջևը՝ սիւնին տակ, Ս. Յակոբի տաճարին մէջ :

Յիշատակագիր մը կը գրէ . «Ի թուականութեանս Հայոց ՊԻԳ  
(= 1375 ին) առաւ Սիւ ի քրիստոնէից . եւ էր ի ժամանակին  
յայնմիկ կաթողիկոս Հայոց Տէր Կոստանդին (Դ), արի իմաս-  
տուն եւ հանճարեղ, եւ էր թագաւոր Հայոց Պր. Լևոն՝ որդի  
Բրնձին . սա թագաւորեաց Հայոց ամ մի : Սա վարեցաւ գերի  
յեզրիպտոս՝ թագուհուով իւրով և որդուով . բայց թագուհին Մա-  
րիուն եկաւ կեցաւ յերուսաղէմ զամս երիս և հանգեաւ ի Քրիս-  
տոս . թաղեցաւ առաջի դրան Ս. Յակոբայ» : (Հայապատմ., էջ  
542) : Սոյն յիշատակագիրը կը թուի ըլլալ Սոոյ վանքին այն  
գրիչը՝ որ ընդօրինակած է ձեռագիր Աւեստրան մը ՉԼԹ (= 1290)  
թուականով, որուն գրիչն է Ստեփանոս, տեղ Կոստանդին ք. և  
տեղը Արմէն լեռը . այս ձեռագիրը բուն գրչին յիշատակարանէն  
զատ, տարբեր գրչով ՊԻԳ (=1374) յուշագրութիւն մ'ալ ու-  
նի, որով կը հաստատուի թէ Մարիուն Հայոց թագուհին Ե-  
րուսաղէմ վախճանած է եւ թաղուած Ս. Յակոբի դրան առ-  
ջև . նոյնութեամբ հոս կը ղնենք այդ յուշագրութիւնը . «եւ  
զարձեալ ի յամին թուականութեանս Հայոց ՊԻԳ (= 1374) ա-